

雜 俎

光緒三十四年五月中國事紀

△竊心者知此事之見於某日也
△爲記書以見惡之在是日也

五月初一日。▲諭飭滇督錫良妥籌滇邊防務及善後事宜。初二日。△駐法使臣劉式訓照請法政府嚴禁革命軍假道越南以擾滇邊。法政府要求別項利益。以爲酬報。初三日。▲滇亂平。獎勵出力員弁。遷擢有差。△各國議派專員調查中國禁煙情形。初五日。△民政部咨請各省督撫備設地方議會。以立國會基礎。▲東督徐世昌奏改奉天興仁縣爲撫順縣。移駐撫順。奉旨允准。△俄人請開愛理租界。外務部飭署江撫周樹模堅拒。初六日。△粵督張人駿電請外務部照會革使。嚴禁英艦游弋西江。初七日。▲諭飭修訂法律大臣會同法部。將中國舊律與新律草案。詳慎互校。

雜 俎

光緒三十四年五月中國事紀



斟酌修改刪併。△日本索償二辰丸案損失銀二十一萬八千圓。△上海各領事藉口中西巡警爭界案。議實行推廣租界。初八日。▲以鹿傳霖爲國史館副總裁。△法使干涉北海至南甯間鐵路。外務部力拒之。△粵省士紳派代表至京呈遞國會請願書。△鄂督陳夔龍議借民債五十萬。籌辦新政。初九日。▲擢用咸同間勳臣後裔。大小有差。▲農工商部奏定各省勸業道官制。△學部通飭各省官立學堂。節經費。裁冗員。初十日。▲禁煙大臣奏定禁煙查驗章程。▲衍聖公孔令貽之母彭氏卒。奉旨賜祭一壇。賞銀二千兩治喪。△法使援滬杭甬鐵路。干涉川漢鐵路。十二日。△德使爲瑞士國要請締約通商。△贛省萍鄉土匪鬧效。地方官電省派兵彈壓。△粵省西江華商航業第一次領牌航行。十三日。△法使因滇邊革命軍冒充官軍槍傷法兵事。向外務部交涉。△甯淮運司趙涪彥擬向篤信洋行借款建築海清鐵路。輿論大爲反對。江督端方飭

十五

庚申

即作罷。十五日。▲詔停州縣兩途部選舊例。於三箇月後實行。

▲湘省紳商以郵傳部奏准萍潭鐵路展築株照。有妨湘路。呈經都察院代奏。奉旨。著郵傳部會同鄂督湘撫體察議奏。

▲英使慶謁廓爾喀貢使。問答甚秘。十六日。△御史徐定超奏參法部尙書戴鴻慈十二款。

▲新嘉坡英官拘獲中國革命黨數十人。外務部因向英使索辦。十八日。△英日二使照請外務部。准將皖省銅官山礦。由倫華公司三井洋行合辦。

外務部不允。△法國駐兵滇越交界地方。政府飭駐法使臣劉式訓探法政府用意。十九日。△政府通飭京外各大員保舉海陸軍宿將。以備錄用。二十日。▲賞

前甘肅肅州鎮總兵田在田太子少保銜。以鄉舉重逢也。△外務部與英法美各使會議海關捕獲人犯禁錮章程。二十一日。△郵傳部議於收回電報商股後。實行增資添線減費三事。

△贛撫沈瑜慶因英艦駛入鄱陽湖。電請外務部與英使交涉。二十二日。▲倉場侍

郎李紱漢卒。遺缺以汪大燮調補。未到任以前。著吳郁生署理。

▲以梁敦彥補授外務部右侍郎。二十三日。△俄國歸還愛琿森林木產。二十六日。▲吏部右侍郎張仁黻因病開缺。

▲命吉林提學使吳魯署貴州提學使。柯劭荪在學部丞參上行。而以曹廣楨補授吉林提學使。

陳驥署理貴州提學使。▲賞江蘇分部郎中曹元弼翰林院編修。以江蘇巡撫陳啟泰爲之奏進所著禮經校釋也。

二十七日。▲以于式枚調補吏部右侍郎。未到任以前。著瑞良署理。

▲以郭曾忻補授禮部右侍郎。二十八日。▲以景厚轉補禮部左侍郎。二十九日。

▲以那晉轉補郵傳部左丞。李經楚補授郵傳部右丞。李程勳轉補郵傳部左參議。胡祖蔭補授郵傳部右參議。